

方以類聚

心痛

胃脘痛

膈痛

心瘥

心與胃各一藏。病形不同。因胃脘痛處在心下。故有當心而痛之名。歷代方論混同。叙於一門。心之藏。君火也。是神靈之舍。與手少陰之正經。邪皆不得而傷。其受傷者。乃手心主包絡也。如包絡引邪入於心之正經。藏而痛者。則謂之真心痛。夫心統性情。始由怵惕思慮。則傷神。神傷。藏乃應而心虛矣。心虛則邪干之。故手心主包絡受其邪而痛也。手心主諸陽又主血。

是以因邪而陽氣鬱伏過於熱者痛。陽氣不及惟邪勝之者亦痛。血因邪泣在絡而不行者痛。血因邪勝而虛者亦痛。方論雖有九種心痛。曰飲。曰食。曰風。曰冷。曰熱。曰悸。曰蟲。曰疰。曰去來。終未盡不一之因。任督支脈絡於心。藏府經脈挾其滯氣。自支脈乘於心而爲痛者。必有各府藏病形與之相應而痛。如靈樞有腎心痛。胃心痛。脾心痛。肝心痛。肺心痛。與夫六氣五運。上下勝復。淫邪應藏氣盛衰而相乘者。亦必有

諸滯氣之病狀與心而痛。胃脘痛亦如心痛。有不一之因。胃之真濕土也。位居中焦。稟中和之氣。多氣多血。是水穀之海。爲三陽之總司。五藏六府十二經脉皆受氣於此。是以足之六經自下而上。凡壯則氣行而已。胃脘弱則著而成病。其冲和之氣變之偏寒偏熱。因之水穀不消。停蓄水飲食積。真氣相搏爲痛。惟肝木之相乘者尤甚。胃脘當心而痛。上支兩脇裏急。飲食不下。膈咽不通。食則爲食痺者。謂食已心下痛。

吐出乃止。又腎氣上逆者。次之。逆則寒厥入胃。亦痛。胃皖之受邪。非止其自病者多。然逼近於心。移其邪上攻於心。爲心痛者亦多。胃之濕土。主乎痞。故胃病者。或滿或脹。或嘔吐。或吞酸。或食不下。或大便難。或瀉利。面色浮而黃者。是胃之本病也。其有六淫五邪相乘於胃者。大率與心痛相類。厥心痛者。他藏病于之而痛。皆有治也。真心痛者。心藏自病而痛。無治也。然心藏之經絡。有病在標者。其心亦痛。而有治機要。

謂諸心痛皆少陰厥陰氣上衝也。有熱厥心痛者身熱足寒。痛甚則煩躁而吐。額自汗出。有寒厥心痛者手足厥冷。而通身冷。汗出便溺清利。有大實心中痛者。因氣而食。卒然發痛。心胛高起。不可以按。

○心氣疼痛。高粱根煎湯溫服。

○山羊糞七枚。油頭髮一團。燒灰酒服。

○白芨石櫚反各二錢。爲末。煉蜜丸。黃豆大。每服三粒。艾酢湯下。

○綠豆二十一粒胡椒十四粒同研白湯調服

○自然銅火煨酢淬九次研末酢調一字服

○青不香一兩阜角炙一兩爲末糊丸梧子大每湯服五十粒

○水紅花爲末熱酒服二錢一法男用酒水各半煎女用酢水各半煎

○鷄子一枚打破酢二合調服

○瑞竹堂用臘兔血和茶末四兩乳香末二兩搗丸

芡子大每溫酢服一圓

○譚楚翁用臘月八日取活兔血和麴丸梧子大每
白湯下二十

○當歸爲末酒服方寸匕

○荊實炒焦爲末飲服

○香櫞皮穰煎湯服

○乳香三兩真茶四兩爲末以臘月鹿血和丸彈子
大每溫酒酢化一圓服

○敗筆頭三箇燒灰無根水服

○壽域用椒四十九粒乳香一錢研勻男用生薑女用當歸酒下

○椒五分沒藥三錢研細分二服溫酒下

○胡椒綠豆各四十九粒研爛酒下

○荔枝核一枚煨存性研末新酒調服

○心痛欲死延胡索末三錢溫酒調下

○狗屎炒研酒服二錢

○薑黃一兩桂三兩爲末酢湯服一錢

○心痛吐水飲食不下發止不定雌黃二兩酢二斤
慢火煎成膏乾蒸餅和丸梧子大每服七粒薑湯
下

○心痛徹背赤石脂乾薑蜀椒各四分附子炮二分
烏頭炮一分爲末蜜丸梧子大先食服一粒不効
稍增之

○白藥根野猪尾二味洗去粗皮焙乾等分搗篩酒

服三錢

○積年痛不可忍濃煮小蒜飽食勿著鹽

○痛十年五年者煎湖茶以頭酢調勻服之

○四十年者黍米淘汁溫服隨意

○大實心痛已用利藥用此徹其毒藁本半兩蒼朮一兩作二服水二鍾煎一鍾溫服

○厥心氣痛不可忍薑金附子乾薑等分爲末酢糊丸梧子大朱砂爲衣每三十男酒女酢下

○卒熱心痛黃連八錢咬咀水煎熱服

○薑汁調青黛一錢服

○冷熱心痛伏龍肝末方寸七熱以溫水冷以酒服
○冷氣搶心切痛發卽欲死蓬莪茂二兩酢煮木香
一兩煨爲末每服半錢淡酢湯下

○鴿屎燒存性酒服一錢

○燒酒入飛鹽飲

○靈砂三分五靈脂一分爲末稀糊丸麻子大每二

十粒食煎濕菖蒲生薑湯下

○ 菴仁三兩去皮水研絞汁入青粱米四合煮粥常食

○ 乳香一粒胡椒四十九粒研入薑汁熱酒調服

○ 寒疝心痛四肢逆冷全不飲食挂心研末一錢熱酒調下取効

○ 濕痰心痛喘急者半夏油炒爲末粥糊丸綠豆大每服二十粒薑湯下

○白羸螭殼洗淨燒存性研末酒服方寸七

○心痛有蠱荒花一兩酢炒雄黃一錢爲末每服一
字溫酢湯下

○冷蠱心痛川椒四兩炒出汗酒一碗淋之服酒

○七月七日採蒺藜子陰乾服方寸七日三

○蛭蠱攻心如刺吐清水者萑菌一兩杵末羊肉臠
和食之日一頓

○白熟艾一升水三升煮一升服吐蠱出或取生艾

搗汁五更食香脯一片乃飲一升當下蟲出

○槐木耳燒存性爲末水服棗許若不止飲熱水一升蚘蟲立出

○葱莖白二寸鉛粉二錢搗丸服之葱能通氣粉能殺虫也

○熊膽一大豆和水服之

○婦人久冷血氣攻心痛不止以葉子雌黃二兩細研酢一升煎濃和丸小豆大每服十五粒酢湯下

○ 蓼根洗剉浸酒服

○ 血氣心痛數年不愈用人言半分茶末一分白湯調下吐瘀血

○ 沒藥末二錢水一盞酒一盞煎服

○ 血逆心痛生蒜搗汁服二升

○ 煩悶刺痛水牛角燒末酒服方寸匕

○ 男婦心痛朱砂明礬枯等分爲末沸湯調服

○ 途中痛用橘皮去白煎湯飲之

○中惡痛用苦棧三兩苦酒一升半煮取八合分二服

○吳茱萸五合酒三升煮沸分三服

○破網巾燒灰一錢猪屎燒灰五分溫酒服

○諸心氣痛事親用生礬一阜子大酢一盞煎七分服

○邵真人用明礬一兩燒朱砂一錢金箔三箇爲末
每一錢半空心白湯服